

龍壁山房詩草

龍壁山房集卷十五

庚申集詩

丁卯戊辰

馬平王拯定甫

榕湖經舍感懷八首追次永福師月滄先生秀峯書院

雜詩韻

散櫟投閒早寒榆觸感多吾方期晚學世或競殊科戶外
雙湖映屏間列岫羅江山人代起詎獨爲孫何

鄉邦攷文獻磊落數賢存南閤經聲遠東溪道脈尊原泉
須到海黃實要培根我倦馳車馬歸來好重論

曩昔池司業

前學使齋庭先生

隣才萬厦豪羣公擎手易一座擁

比高上日花期過深堂草具叨典型誰復見短髮不勝搔
經堂連掖院誦學數追隨枉復雲霄傍真慙歲月縻坐窗
頻悵望載笏負論思半學能相長開軒儻未遲

當代論文術成名定孰賢傳牋高北學文字妙南禪畢竟
宜身反何須執已專書巖愁見咫振策且峰顛

中興開盛業迴首五雲居祇恐羞班列何容計毀譽悲來
塵劫重老去世情疎萬事俱流水遺編抱燼餘

休居支病骨鄉土說宜人那可春花眩仍思夜火親俊遊
懷鳳舉澹想結鷗馴敢負聲聞力孤生亦爨薪

大府興賢意殷勤本至公光陰憐燭炳心力戒熾烘此事
防觴濫何人會曲終猶然奉囊粟虛廩昔時同

抵桂林日友人推宅而居乃是李氏七松老人故廬再
易主矣感歎有作

居然平地有樓臺軒檻何心爲客開山水釣遊都在望里
鄰尋訪不勝哀司空合向中條宅陸賈曾傾好時杯滿目

滄桑三畝外試從狂屈問誰才

柳州孫子福太守

壽祺

罷官將去而余適歸作此送之

使君不作桑民憚種柳江邊幾度花注考自應甘拙下

穰空復歎汗邪

余歸有志東溪學舍所待文翁雅化之力不謂行之速也

虞卿著遠原

無恨張儉流亡未有家我甫停車君已駕并離能不重咨

嗟

喜晤槐生學博次題拙集詩韻

百川徹骨是清灘一勺能教舉俗知投老最難逢舊友乞

身容易愧當時相從鄭老宜沽酒爲報匡君莫說詩敝席

蘭陵吾豈意凡將未學況冰斯

時就榕湖主講之席

往晤松孫太使

聯璋

於其叔小韋三十年矣見過示所

爲詩告余所居舊曰小珊瑚齋感賦一律仍用京師

寄小韋韻

高齋曾集小珊瑚玉葉彫來鐵網疎抱月新聲談老阮淩
雲遺草惜相如飄零大壑成鱗樹散落層軒附鶴書猶有
龍孫哺春雨屋山清興足開予

偶書二首

童孤秉夔教心感仇家機受書自孟氏夢寐見其儀平生
守七篇身命所據依三復性善言羣儒是邪非百年遽過
半忽忽百事墜時復念齋沐憤厲猶庶幾飢來孰我謫乞
米迫作書身死嚮弗受窮居況來歸笑言告所親痾瘵詎
爾遺猶能得直尋安用枉尺爲

性僻寡交好風義乃夙敦磊落關同氣幾人邁常倫無何
痛凋殘晨星僅誰存出門思有詣南船或北轅對面阻燕

秦河山邈無言悲哉嗣宗淚得不揚朱寃歸來還閉戶默
耕自鋤耘四海皆兄弟吾孤獨無鄰

才得一首二月初三日作

才得蓬蒿翦一廬平居寥落意何如愧無恩可懷僮僕詎
有材堪走鵲盧十載相看憐敝席半瓊誰與護殘書歸舟
萬里從天末風雪柴門獨愴余

二月六日積雨放晴

欲行歲例展斜川撲簌檐聲日夕連舉目河山還似夢驚
心親友半如烟樹頭日出花花粲屋角風生鵲鵲圓斗室
琴書漸料理待攜壺榼放春顛

花朝後日五友茗

綱

招同子實及家芷庭

恩祥

春農棟

朱蓉菴

輅

陳莘香

鑑

壺山看桃花遂集七星巖年來

山下李花方盛桃花已不多矣

海岱歸來信曲肱玉壺招客買春行一天積雨疑猶病千
樹繁花強欲晴詩骨酒魂餘磊塊山下有雷酒人及余
友詩人黃香甫墓焚
烟樵斧換槎萌星巖夜火熙橋路廿載迴頭一老生

奉送張粵卿總制

凱嵩

之任滇黔

蚤別神君望若仙晚歸銘勒在燕然十年霧雨驂鸞道五
月炎風下瀨船借寇有情難籲帝點蒼多事急籌邊
旌咫尺遙天色獨返柴荆試策健

賜養堂詩爲申甫京兆作却寄

開皇陳策氣如虹詔起中條眾望同獨戀江舟攜隗相
爲頒日契到山公秋風鱸美傳吳下錦里門深闢灑東我
欲升堂柰傷足愧無白雪報詩筩

送王省齋侍御歸曾典試還朝

思遠親看射策年，感宮重到拍厓肩。
蓬山舊館成新別，烏府先生讓後賢。
使節西風明嶺嶠，傳車朔雪動幽燕。
魯山秦望俱鄉里，觸我當時日觀眠。

展重陽日心薌招飲水閣有作

天教風雨展秋期，萬里歸人息歎時。
雞黍有情宜近局，湖山無恙要新詩。
最憐多斛收田舍，肯薄皇荂逐里兒。
朔鴈不翔宵扈樂，頻來尊酒對衰籬。

容莽同年春農太守各贈叢菊

紫紅作意綢秋光，欲與春花鬥曉粧。
最是風流傳錦幄，俗近喜以秋菊結屏。
豪華相勝那知時，節過重陽先生自有東籬伴。
好我平分舊圃香，從此年年摘盈把，漉巾攜醉接興狂。

龍松岑世講維棟質所爲詩卽贈

嘲此乘翳問何來鶴立因君自覺衰
厯塊漸忘曾識路超塵重喜不羈才
微雲天末還吹角積雨階除又落槐
行把一尊何限意豈徒詞賦望鄒枚

偶檢馮徧亭集及程侍郎倡和野菊詩
意喜之澄懷園又往與兩齋詞苑諸公
遊所嘗到也侍郎詩自注云菊以小而
黃者爲正世間紅紫出晉以後淵明不
及見也爰次其韻

疎疎密密任橫斜好摘籬根插帽紗
學圃偶然從晚節掇英還擬入流霞
幾人異代同真賞逸世孤蹤出野花
零落蓬山怕迴首一天蒼耳路三叉

將軍橋述哀二首

橋左亡兄兩殤之墓道光己亥所卜塋也咸豐初元以從征歸猶一祭掃

經亂以來遂不
可尋哀以自陳

樛蟠鬱青蔥獨樹更悽色倔彊歲寒姿能毋惜孤特吾生
有伯仲殤早一何極伯也未冠年尤聞仲岐嶷奇珍奪鄰
上大父痛尤亟謂是妙士仁邱首時在臆以茲羸博處
弗忍瘞蠻棘哀哉三尺桐重裹夏人望伶仃蕭寺殯長倚
大母側小子恨不材歸喪竟弗克南邨初卜兆兩世幽
窀卽岡隴此相望彼術言有仙連枝象雙冢短碣手親刻
追維三十年遊走不遑息時衰遭事變松楸幸猶植歸人
嚙指悲泉蟻果侵偪山岡牛領逐匍匐重匍匐如何脊令
原榛莽遽迷惑居然岸谷遷蒿目此南北前岡餘廢壘旁
吠又新血路人欲問疑地脉久殘泐衰躬正傷臂時方骨
沸淚承膈人生值亂離行鴈或差忒誰知幽明異猶復傷

翦翼纍纍馬鬣新邱貉不可識毋將風水惑人鬼自相賊
薄俗我何尤鬱憂祇叢慝迢遙望星柳叔也益孤惻三兄在柳州城北其地更數殘毀荒原本藁藏况乃竄狐蜮諸兄乘大化神
想登樂國哀然原隰間憑虛薦薌秘

前年疏乞身歸塗首耶谿先壟九山在

紹興先塋九山曰亭山曰桃園曰西

山李曰蘭渚橋曰桑瀆曰禹廟之後山曰呂安曰皋木曰戴於山

幸能免鉏犁寒宗夙伶

俚傳經亂罔子黎傷哉近郊域發冢東復西去年滯東粵華

髮哀我嬖仲姊亦時在遺棺愍余攜道長歎支離中原猶

鼓鼙大藩郡吳越城郭半疾藜尋常金碗出翁仲野含悽

艱難達茲里嗣子來嬰倪歲時上冢城霜露慘澹柳羣從

兩瑤環最弱一刺躋青雲失望我天與百丈梯美服不耐

新強項不肯低唯傷境窮獨用罔百噬臍天地一烽塵蛟

龍起躩踞人家劣虎豹肘印猶雙提拓落笑長卿三川機
曾齎時危儕破卒粥粥列刺批壯本不如人豈云常數奇
貯衡向原野觸目尙乖睽籌策誰短長始謀能已詆歸歟
况將朽獨寐永山谿晚學志耕讀沮溺孰與齊長歌思杖
杜夜雨獨聽迷回頭徑壺殽敢復望蟠泥野死分烏豪百
年付水澌明當南岡下丙舍築烏栖遺魄儻親前歸來庶
靈兮

周受田觀察德祚惠遺淹蠨有詩酬贈

揭帝城邊鬢欲霜銅駝夢影積相忘山人錮疾還煙火公
子全真獨醉鄉擘玉儻逢千日酒蹴蔬應爲束脩羊州司
會問清漳宅待得菰畦乞晚芳

公子句用來詩意又時受
用方借閱叢書故有束脩

句羊

松孫邀同過丁秀才

韜

書院看菊次韻奉和

散塾羣歸一拓提秋光全占蒼東西孤蹤也復辭彭蠡勝

友何期對鬱犀芳徑晚風中酒面

菊種有西施面甚佳故宮寒日下

城梯

書院在故藩邸側

東隣大有屏風句便作先生學舍題

庭中野菊正開松孫又送白者一種疊前韻

嬾覓重陽一甕提籬東花滿夕陽西閒思野客褊巾角未

分佳人粲齒犀瑟瑟寒香青瑣闥鈴鈴霜影玉堦梯廬山

真見陶元亮又索新詩帶月題

松孫晚過看菊夜雨籠燈而歸又疊韻

邱舍曾尋閤鼻提

京居曾寓漁洋藤花舊屋

層樓又倚一峰西多君爲

攷黃華菊

黃華菊郭注雅文邢疏與近人邵郝兩家義皆以小而黃者爲真菊也

老我真成

秃角犀雨腳慣飄停案燭漿頭時挂過牆梯高風五畝看

猶在得句休從俗士題

易衡樵觀察

元泰

邀飲湖樓觀菊疊韻

左甄軍律十年提卻倚方印對瀼西玉爪樽前思剝鱗青
蛇壁上罷剝犀霜階葉亂香棲喔水檻花明月上梯聞道
墨池還運甓東陽一一好簽題

君近學書

小春晴燠頽然自放不知已小雪也疊韻

酒邊閒事怕重提睡起東窗又日西近案笑看行瓦雀遠
邦聞復貢牙犀

時越南貢
至桂林

衰年白日愁堪繫捷足青雲盡

有梯到處柴桑開栗里悶思居穴訪雕題

晚過松孫庭柱已殘

珍傳鶴林語

時以高密李氏鶴樓叢話遺稿見質

不見鶴樓人看子詩無敵

將予德有鄰聞犀元道妙飛靈益情親莫以生存感恐傷

遲暮神

謝蓮士太守輪見過卽贈

老守彈高調孤行自一家詩情工短簿酒德頌長沙樂水
清見底桂巖遲有花桐心都半死來對莫興嗟君方悼亡

讀海門絳跌仙館詩集感賦時令嗣文心爲新刻湘中

銅街有客嘯騎危僻街蕭然對脫羈夜飲亡何常跋見晨

燈偶集遽脛馳

君爲晨燈唱和
集傳者頗眾

迂生舊學存猶幾異日吾

文定復誰驥子材良衣鉢在漫言金石許交期

往時同淵
宦途曾以

金不換石敢當相
謔同人競傳爲笑

贈唐佗山同年作礪時年七十有子讀書殊可慰也

櫛風春掩六齋眠傲兀孤熊腹笥便一座曾推侍中席十

年長泊孝廉船

君自丙午鄉薦
一會試卽不出

蓬心晚暮慙都講皓首精

勤越盛年杖几雍容有元季高陽衡宇夕陽邊

松孫見示黃泥塘看晚菊詩次韻

節華開隱樹

平作

提寺圃城南稍復西僻路喜無官道馬

新篇合有市橋犀迎風了角憐吹帽

菊花將盡
簪髻者多

得月兒童

笑踏梯我已殘枝判寥落黃香晚節共誰題

君達兄疊韻及余庭中早梅試花且有歎老之言又和
老年強健勝嬰提選勝南村又郭西寒菊帶霜迷橘刺早
梅含麝茁瓜犀先春已試青璘片後日誰看碧玉梯我不
書空君杖道漫將詩筆借花題

郊行偶成

菽麥半花殘依依蜚翅單野蔬霜氣綠邨樹夕陽斑野聚
猶荒圃窮閭近小寒時時向巖僻化鶴想仙宮

對菊小飲同楊嘉甫表兄

雲作

籬菊漫禁秋清尊不點愁微霜還昨夜有蟹自他州解藥
曾傷足宜簪未白頭更深情話久殘淚觸寒簫

時有餽蟹故四句云

詠黃鷄冠

絳幘聲何處悠然午夢回堪嗟雄劍氣都化野夫材棲堞
日頻入隔牆蜂誤來昏花愁霧裏殘卷覆仍開

時患目眚

詠鳳尾蕉

耕烟庭半畝奇草長青瑤餐鐵本麟性辟邪爭鳳翹巉巉
身骨鯁刺刺尾雲影歲晏還毛雨生機莫自消

時將長至庭菊猶花松孫疊义字韻

小山藤角致敬斜淡墨曾題在碧紗人意傲如殘歲菊詩
情濃似暮天霞嶺雲凝雨愁成雪櫺日禁寒尙作花僻處

晚來芳事足按頭還拱玉鴉叉

時有送水仙已拆包

小窗疊韻

惻惻孤藤行復斜黯黯小窗塵冒紗
庭中碩果柚黃實樓角晚晴山紫霞
滿城春稻歲律盡獨客卻掃林有花
敢將心力付倚薄長日百錢慙畫叉

寒天欲雪達翁疊韻又至勉爲繼聲

獵獵風驚禿樹斜重雲遮日又層紗

目青未已

似聞遠捷翻懸

瓠

北路捻患全清

近伏新功咽紫霞池面鏡瀾寒有玉嶺頭銀霰

黯無花明當霽日浮銀海送與詩翁賦手叉

庭梅作花黃者殊勝湘梅甫種亦復大開獨綠萼蕭然

耳偶拈

一別明湖歲又除小庭時復夢巢居
病耽西日臨黃面老

怯東風，炤豔裙姑射。仙人疑縹緲，維摩天女對。何如孤藜，偶出愁歸晚。撲鼻寒香，月上初。

桂城元夕燈火殊勝，家友茗太守送盆梅兩株，松孫賦詩適何鏡海觀察攜酒相過，步松孫韻。

嚴城景物太矜誇，寶月光燄火樹花。

元夕陰藜乙酉憐攤卷沈陰

獨芋郎先笑作書差。

俗以龍燈禱嗣有及余者

綺窗夜引風香細，短髮

春愁帽影斜多謝清歡，延少日兩株紅白對寒葩。

奉送孫師竹學使

欽昂還朝

藹藹春風坐上時。

初識君於霞觴兄所君鄉試房師也

蓮溪秋色忽悽其死

生執誼如君在，譽毀平居況子知。簞節高風頻激宕，木天清禁要論思。自慙獨學歸何晚，求友聲中感別離。

粵花三詠

粵本南交地，多卉木乃如陽朔之梅，灌陽

牡丹海陽坪春蘭記嶺外草木者昔未有也

我昔從軍歸幢牙夾蓮峰裏瘡病十日霜朝一揩筇蔬圃
偶來憩寒花若爲容心知萼綠仙不謂塵埃蹤野人顧我
笑山麓疊復重比出訝霜林間雜唯孤松愧我國顏子無
知太龍鍾當時遊仙客曾否月下逢小閣記凭江拳枝蟠
若龍荒娛爲花宴尊酒昔過從飄零忽老矣清夢覺山鐘
陽朔梅

采藥起風詩牡丹盛李唐厥名爲大赤遂作百卉王跼繭
半塵世探花未洛陽歸來老蕭索灌水有穠芳茲地我遊
歷土風百粵臧山川一純樸豔植詎所當我友昨擔致纏
根胚土將謂言易磽薄往往失故常斯理我所躋本深華
葉昌雖無風雨會要在墳殖良吁嗟末俗兒富貴能久長

灌陽牡丹

海越又山越吾生兩鄉土蘭上別時花春歸又灘許灘江
天下澱鏡曲同今古鬱茲清淑氣秀作眾香祖歲晚還陽
律幽芳在庭戶孤莖而修葉馨逸得吾與脩然空谷姿詎
與凡卉伍亦時秋蕙綴雜佩臨風舉別一種一莖三閤不
數花者蕙也海陽山蘭
可招里曠爭媚嫵援琴發三歎縵絕欲誰語

庭中牡丹作花時尙未春分也漫以自嘲並柬芷庭仲

方諸君

南強北勝總堪憐灌水爭如洛水妍軒檻未應嫌力弱花
出
灌陽而
非千葉庭階何意得春先腰金老健期公等駐雨閒愁夢
客邊根觸平泉舊遊處幾家能到子孫賢

受田惠和牡丹詩而庭花已謝疊韻奉酬並柬芷庭諸

君爲花事問

羅雀空庭不自憐，庭花牢落獨成妍。
抽簪神虎豪仍在，出穴嘉魚雋偶先。
繾綣風光蠶市日，受川自蜀中來惺忪人意海紅邊。
時山茶亦花從來晚節芳林豔，竹裏誰家問洛賢。

小庭花事方來東，達翁暨嘉甫兄四絕句

鞞紅一種自青州，捧出檀心灌水頭。
散帶年年對花笑，萬釘不換玉雕鏤。
單葉而花大者歐陽公譜所謂鞞紅是也

蚤聞宅相冠諸郎，富貴何如意久長。
遺我金花牋百本，平生才盡紫霞觴。

嘉甫兄所贈也

玉樹彫殘定幾時，棲霞寺玉蘭百紛紛都勝又辛夸。
君家好句宜酬酒，休遣陽城下蔡知。

達翁又送山茶木筆折枝

山城寒食雨如麻，四壁深居自覺華。
寂寞親朋數芳事，底

須后土獻奇葩

有告得
變花者

盼晴疊韻

溟溟坐雨客誰憐
煜煜新陽偶放妍
晚步興隨新月上
夜遊心在落花先
愁生遠靄仍天末
老至孤襟負水邊
九十春晴無十日
夢符能有郡曹賢

答友和韻

寂居何計慰殘春
齒髮離披歲月新

年來髮脫已
落第五齒矣

佳日漸

稀蘭上客一年又
過牡丹辰
空階夜雨思行藥
閑戶青山嬾向人
癡絕家風甘餓隸
玉蟾研露對花晨

受田持示家
蓄大觀殘拓

大令帖

一卷

花事將殘陳君

鶴清

移送牡丹一本
淺紫千葉延玩數

日奉謝疊韻

僻居芳事特矜憐。盡說屏風作隊妍。上國紫金推魏大小
邦。圭璧陋滕先。一春夢雨吹花裏。十載曇雲蔽佛邊。京師
每遊城南諸蘭若咸豐庚申澁園慧福寺中尤勝好爲靈根頻護惜。城西四壁看
君賢。

聞宗丈滌甫先生噩耗用辰字韻

邸廬修敬及青春。鮮菜河干白首新。新晚歲馨香獨松柏。晨
星寥落幾參辰。平生玉錯真慙我。後日薪傳問有人。榆社
桐鄉又京雒。好將秋菊配霜晨。

嘉甫兄庭中牡丹大開招飲

一春癡雨又春回。庭樹朝聞鵲啄苔。新旭乍看如夢覺。浮
生能得幾花開。扶雲異彩愁金屋。浥露濃香絕點埃。恨我
壽梅歸較晚。欄杆珍重此停杯。

嘉甫兄和詩疊韻奉答

寂寞巡檐日幾回，落英顛倒滿蒼苔。
判教市裏塵蹤斷，除得花前笑口開。
老至蘇程唯竝影，遠聞關輔尙驚埃。
愁霖定逐春歸盡，還擬秋垆數舉杯。

榕樓孝廉復送芍藥邀芷庭諸君暨嘉甫兄同賞疊韻
玉華豪奪豔陽回，客至何妨破徑苔。
雨日恨多晴日好，揚花偏勝落花開。
遠移村葉含山綠，近喜軒窗隔市埃。
新水舍南還舍北，暫醒鷗夢莫辭杯。
連雨江漲

申甫京兆寄示近詩却寄

老馬歸來自惜羣，鄉關百里足聲聞。
天涯舊好誰明月，嶺上遙看只白雲。
蘭茝有華皆純友潔，書楹無業不精勤。
菱歌一曲人誰在，元白當時總愧君。

夜夢與霞舫話某山水起而泫然欲作一詩未成覺猶
夢也賦此紀之並寄中甫龍水

絃詩夢底淚縱橫推枕還疑覺未明地下有靈懷士季人
間何處著莊生故鄉尙喜青山在獨夜先驚亂蟬鳴坐待
東曦欲誰語似聞重起洛陽聲時傳中甫起用

病起喜晴達翁見過

眾綠森庭曉霽初不須騎馬到堦除漸衰世味貧交重久
闕詩情小病舒夔壁莫談村外虎蛻空時見竹間魚灘東
又報添新漲滿地江湖截網漁

新綠二首 榕湖課題

原野迷離舊燒痕枳籬欹插又成邨寒山祠宇平蕪盡喬
木人家幾處存點點熟梅經雨綻紛紛聚鵲滿湖翻謝皋羽詩

飛網滿湖
冠聚鵝

歸來款段風香裏細柳新蒲忍重論

小庭清潤闔雙扉坐起書牀鼎篆微落徑那堪妨客屐山
窗還自補雲衣連天遠樹都如薺幾日新篁便欲圍願與
諸君勤灌植歲寒松竹儻相依

長吟

衰遲愁病日相侵舊路迷陽那復尋睡起昏明常錯書闕
餘吭哢亦殊音漸知莊列無爲意難已倉虛有用心暫可
休居期自適未能趺坐且長吟

巷廬

巷廬卧嬾息春遊夏木將成氣忽秋庭樹雨多生綠暗簾
衣風入作寒遒牆根醜石欹花見竹外疎蛩帶暝流何事
沃洲恐知處市門如咫卽山幽

襄陽作花其香殊甚褒之以二絕句

百琲璫瑤掩黛裙盈盈碧玉也超羣誰知被褐懷珠者更有荀郎竟體薰

嶺外曾傳桂作州簞瓢能使一山幽朱顏多少當門種孤

負香名不自愁

朱蘭紫蘭皆不能香

桂州

桂州猶是小長安

張淑卿詩風塵不到處即是小長安

繞郭青山塵不到亂

後夸歌僻巷聞朝來野祭荒江喚觸我舊遊伊雜間黃帽青鞋歸等閒霖濕一春還九夏牀牀屋漏何時乾

苦雨

去年苦雨彌一春今年苦雨春連夏不知天公有何愁震風淩雨無時罷中庭蒙密草樹高書籤朽脫寒生毛斗米

曾聞錢七百城腳夜行人帶刀

講兩寅年事

往年平望敗舟所蓄大觀殘帖實棄於此曝書之暇檢

點齋中舊物不勝憶念作五絕句

先生歸去一船書

董比部毓藻送余出都句

古墨叢殘混玉硃不道權

場廿六紙虹光猶觸睡驪蘇

鳳羽飄零詫遇奇南隣犢鼻任人嗤不須鼎鴈紛成訟一

昔通靈合我癡

蘇齋賤據笑紛拏海內流傳十四家

覃谿考訂海內有大觀帖者十四家一

流傳

未許金丹守龍虎果然真諦是曇花

覃谿自著第十卷殘紙墨尤

精有此是優曇第一花句卽歸壽陽本也

顛張傳法有清臣南北宗風一脈真肩篋頻年太塵劇銀

鉤想像意彌親

寶氣偏纏水厄多據舷無處刻舟訛
千潭印月傳新事細
撿釵痕認折波

從西人以影法得見落水真本

達翁爲余誦人燕子長句率用其韻

門前燕子幾時至頗與門前客意違
那得香塵諱紫陌漫
勞舊巷識烏衣斜陽送客偶聞語
晚雨掠人還對飛且合
尋常共閨里閨風高處恐危機

達老和燕子詩疊韻奉答

人生到處逢萍梗能幾相逢意弗違
春雨樓臺空有夢秋
風江海可無衣螭蛄朝菌聊取適
蝴蝶落花撩亂飛曾是
當時舊王謝慙同遊息任天機

答李實村同年

維均

見寄之作

一掬仙源白海陽三分離帶七分湘
我居離曲方杭葦君

卷十五

五

飲湘流恰濫觴蓬藿卧深貧豈病樗枌歸晚老徒傷居鄰
尙有唐衢在寂寞能來話夕陽

龍壁山房集卷十六

庚申集詩

己巳

馬平王拯定甫

將出門爲浴見乞書便面悲感在中率作

淵明辭官職駿奔情所宜退之服鄭嫂歲月忽已替我媿
二子賢所懷常鬱伊三年卧家術坐覺百事頽獨記與嬖
別衰年忍長離謂言一葦杭再見會有時柰何違夫人憾
闕空自知人生一委蛻遺言劇深悲邱首竟何所陳根實
在茲爲憐黏壁蝸行作失羣雌蕭條落木吟嘹唳哀鴻哀
言指仙城路有方詎匪迷行從鴈峰迴益切令原思紆轡
慙行道此情將喻誰稚子拜送門遽知離色悲吁嗟告爾
且勿悲我年如汝卽路岐微生躑躅行已矣歸與樹柵南
邨隈

訪申甫京兆龍水邨居

繫我來紆轡知君豈鑿坏堂諷榮捧日罍鯉妙銜杯

席間采花

魚極美邨所出也韓文公稻畦詩魚肥知已秀得非言此魚耶

倚石梅爭發憑軒竹又栽

東園最幽勝能了濟時才

夜久聞雞唱談深動客悲朋交愴零落骨月感支離雅義
憐粥飯芳情剩蒞離明朝又獨往班馬爲誰嘶

湘江舟中絕句

清江白石故依然卅載重攜放峽船滿目蘅蕪人不見西
風吹老夕陽天

菊花天氣間新霜何處銀雲閣晚涼合與詩人作重九漫
天風雨又瀟湘

九峰綿邈勢如龍斑竹臨江濕怨叢我有江頭數行淚翠

華千載不重逢

零陵東去漸委蛇傍水巖嵌到處奇行過谿園舊祠宇摩

挲石刻鬢成絲

成句

年來心跡儘蕭寒愁對明珠白玉盤夢底金戈忽豪壯夜深乘月下重灘

合江亭畔綠羅裙歲晚江湖落片雲直到潭州渾一碧不知何處酹湘君

兩日篷窗聽雨眠朔風吹鴈落愁邊衡陽又暝天如墨爲爾迷方倍黯然

太空雲氣不須開隱約芙蓉九面來曾是上封雲裏宿芋郎忘覓嬾殘爨

聒枕風雷夜未降昭灘野泊繫漁缸角聲夜久吹還急看

雨開門月滿江

江潭日出雲沈濶漁父何人鼓枻遲奇服少年今老矣沅湘堪濟欲何之

小泊長沙韞齋中丞邀我信宿題其廨東又一村園四首

花柳邛邛說尹賢一邛還又閣門偏行人似識村前路曾到山窮水複邊

蔬圃山堂坐屢移迴廊曲折界花宜壺天萬象樽前在巨壑高巖未是奇

十年樹木青雲上三日停舟舊雨來亭檻晚晴人意好揮戈肯放夕陽推

梁園賓客俱時彥湘水東流可若何竹裏能來勤自惜斑

斑還長舊時柯

九月廿九日嶽麓同筠仙作三首是日沈陰至祖師殿
見日尾章及之

嶽雲青不斷湘水我俱來到此雲水關山川且鬱迴湖天
東望負竹淚古時哀爲問沙頭寺猶疑戰骨堆王予在此
講席名山業高賢幾度經偶尋雲外徑來坐水心亭石髮
梳泉短霜楓被雨醒懷芳恐銷歇椒莫涕猶零謂丁伊
絕頂憑高處天開日正中居然積陰豁敢信寸誠通高下
烟霏裏微茫塵市空江船三日繫回首隔溟濛

耒陽舟中感作

潦盡寒灘不可渾溯江來弔杜陵魂崎嶇閱世依嚴武寂
寞歸真傍屈原歲晏江湖還落魄餘鷄犬又成邨行過

爲問空靈岸合向荒祠薦芷蘩

郴州道中懷古

郴山郴水極迷離不見當年望帝祠建楚一州原草立亡

秦三戶是荆遺眞王縞素能扶義卿子何人漫視師憶向

憤王陵下過可憐殘穴亦鼯狸

項籍墓在汶上縣境

郴江舟行至永興登陸經興甯桂陽山中抵大庾作五

首

我行涉耒江十日澹容與頗聞郴嶺間又說韓瀧苦九江

茲稍陜底石清可數回頭竹樹青楓相亦楚楚居人採石

薪倚岸支檐宇舟楫不逢人烏金獨行賈江湖未厭涉西

漾還東滬夏聞遐裔人巨舶環瀛聚

海舶日用煤炭尤多

人事歎

新天工柰何許誠知地媪富或恐神皋窳大哉天地心氣

作洪爐鼓陰陽炭何藝陋識憐儒腐山水自悠悠青紅照終古

津梁久已勸原隸况登陟山行兩崖間礪戶偶幽息農檐
有童子愛客喜見色爲安樹根石肩背就搔抑世途茲僻
隘灌莽懼昏塞孩穉觸天機歡然露中愔所嗟吾甚憊疲
茶狀可識竹樹家三五林居有嘉植吾衰兒日長轅壤在
堦城

勢位情所重退謫誰汝崇嗟余者何人舉俗諒其衷鹽鹽
潭州伯謂韜齋中丞生平袍澤同鈴齋三日留行促意彌豐獨

媿煩行李舟車謁控繆途經三邑賢鄉里扇仁風行覓輿夫輒需

官中丞與俞子佩浙人興甯黃開生粵人桂陽唐葵友滇人皆與余及中丞各有鄉誼就中江夏尹

夙昔識南宮開生通籍之年道聞長官清室訝庭宇空有

客款宿宿嚴更鼓寥寥清勤勉自獻麤糲足錯萼僚友兩
寒儒遇塗執禮恭幕中張聲谷學官龍吉皆皆曾及吾門者殘年茲薜蘿信我
匪天窮

五嶺吾未厯中獨唯賀連茲行又郴桂山程動盈千岡隴
萬重疊其高或入天盤空爭鳥道一徑危梯懸絕頂淩清
晨朝陽生中原莽蒼層雲際排空起神鳶翱翔勢一擊毛
血想獼猿我久伏閭里蟄居蝸蛸蛸山紅與澗碧偶出耳
目鮮折轡還幽阻峻峭多孱顏狙藏懼狐魅晚食梧桐根

地名在
杜陽嶺

山茶旣作花野菊猶自開汨汨滿路泉濯濯著霜菱九鶴
壁千尋雙魚磴百迴地鬱井出沸山空雨作霾我行亦多
塗未識棧與臺歲月屢蹉跎艱難復茲隈桂水夾行道與

余久裴裒朝行隔嶺坳章江又浮杯我家嶺之右行返極
左垓嶺南名蹟處竹樹雄山材獨惜珠田邨連兵尙蒿萊
珠田爲崇義大庾峴境

重過大庾嶺作

西渠東嶺霸圖恢史祿梅鎬亦自才十月小陽花正發廿
年賓鴈客重來關門南北甯天意驛路風煙又幾回丞相
祠前黯惆悵嚴臺歸去雪空堆

嚴關在興安境古語雪不度嚴關今不然矣

謁張文獻公祠

百尺巖梯氣自雄天教巨手闢巖叢關山行李重悲我嶺
海文章獨見公終古海禽銜夕照數椒冰萼對春風

時祠左崖

嶺中有梅甫作數花

何知頓轡連陽微香火緣修再拜中

自湘中來始擬度柳

嶺繼復取路桂再改途乃行從大庾也

雄州解舍小住數日與芝庭弟別鼓墟舟中八首

誰知嶺路三年會好慰樽前九日思記取滇江重倚棹短
蓬聽雨對牀時

我行出嶺還入嶺風度樓高拜謁親更喜官齋茅秋菊晨

光重展練夫人

雄州解舍有練夫人祠宋守官章文簡祖母也時叔母蕭太夫人迎養解中

種玉方池宿玉封

種玉亭有池荷每歲不種自發

蔬香穉甲淡還濃知君

一酌修仁水肯負題詩范彥龍

敢忘先朝作尉年從來清白是家傳不因負笈秦關遠嶺

海何由得播遷

昔山數畝官遂淪蕩析伯祖歸弗可理因

復粵遊也

學舍諸郎致復佳連宵緋紫識庭階庾梅一本歸先種萬

卷樓前桂水涯

解中菊花方盛弟贈梅花一株將歸植於桂林家祠時祠新建後有隙地臨水作樓

題曰萬卷山房山在
紹興先隴左近也

夔足憐蛇鶴目眇中書漸禿豈能奇但教小令身名遂禁

扁何煩憶獻之

時桂浦弟病足余目疾迄未痊所至有乞書者

僚友殷勤邂逅中相亭雲樹藹仁風何須此地愁鄉里光

霽高賢簿領同

光霽堂乃廨中齋額不知何人題也

袂被蕭條戀我行丹稜樓指復仙城廿年來計與弟數爲別來朝又

棹襄陽峽獨聽寒空斷鴈聲

廣州城外永勝寺示孫氏甥女兄弟作時余奉姊氏柩歸塋桂林孫氏

甥攜子其濟來會姊之兄公嗣菴及其夫人遺柩亦將同歸俛其嗣子保勲歸塋柳州其息歸余氏者亦適在廣州也

殯宮酸塞對霑巾老矣長頭負骨身獨雁又攜雙淚影五
羊三度百年人王成有祀慚衰薄尉瑾無年亦苦辛歸兆

家山華表鶴飯孟錢陌各蕭辰

十一月十五夜雲臞少尹招同蘭甫山長會飲寓齋乘
月登粵秀山至學海堂梅花正開倒次丙寅蘭甫贈
行詩韻

屋梁缺月數年時何意令宵重合離癡欲老來還幼學
晚知人事亦天爲舊遊水閣仍樽酒新種山堂又幾枝坐
領寒香清到骨當頭圓月忍无辭

附雲臞作

五言

能來欣二老燈火笑迷離鴻雪東西印龍雲下上爲薄
觴傾竹葉寒話却松枝花爲人爭發清遊夜肯辭

蘭甫作

六言

蕭條猶幸同時風雨羅浮合離能讀書人難遇

自注王西莊云

能讀書人不得志者所爲嶺嶠東路西路梅花南枝北
千載難逢枝明年對雪相憶今夕深杯莫辭

別甯甥次垣花埭舟中

艸艸來旬澣依依見性真嗟予頻道蹇唯爾獨天親氣鬱
才思練情高俗畏嘆倚閭珍玉佩渭曲莫霑巾

三水別雲癯並小滄

那期逢路側信我未天窮客許從高士吾猶愧里蒙嶺梅
啼翠羽海日炤青銅卅六江頭水依然西復東

舟次蒼梧獨尋水井寺遂登準提閣五首

邕州東北接容州疑到蒼梧地盡頭寂寞寶鄉二度泊一
泓水井又停舟

山水清遊愛漫郎三吾老復見新莊歸舟急景蕭條甚猶

有花枝蘸水香

永井卽漫泉次山遺蹟也并今爲池池後寺爲花農規作詩圖

蒼巖碧巘倚清池繞閣尖峯塔勢奇晚食一校當丙穴欲

將行記附賤詩

火山卽丙穴山嘉魚疑卽雅詩所謂晚食却願當此故云

國東門外古榕間野老相逢採藥還日日青洲釣龍子西

風愁我鬢毛斑

郡出蛤蚧類疑卽螭龍類

好惡分明只夢中廿年前事悔投戎平生合是韓襄毅白

有仙緣到呂翁

準提閣下崖壁鐫韓襄毅遇僊處

梧之水三章別劉保勳扶其先櫬歸柳州作

梧之水西北來我行溯北子自西江舟一葉雙棺攜故山

掘土行蘖裡昔逢離亂今來歸路人不識茲孤兒嗚呼路

人不識茲孤兒孤兒鞠養何易爲

梧之水自西北子行溯西我北發惇惇孤櫬獨心惻新塋

待子桂山側子雖其道唯我責與爾恩勤曷有極舉世何人無弟妹

天寒歲晚長路艱重關擊柝聲連連橐裝百金盜睨顏層灘欲涸悲長年峽山荒荒中湫漩鬼嘯狻蹄相後前行茲路如子年子之先乃客其間乘風謂我塗萬千暮歸跟蹢雨雪頑東峰西峰寒積煙其下鳴珰猶悽然差我層冰高極天行哉俟我深我源梧水之別凋心肝

舟行有獲狸者欲使縱之不果有作

小狐胡尾濡自納戲人罟見欲寬其縛思甯污吾俎癡奴悵錢百揮手不知所船窗生悵望日落寒江渚還想章質奇玉面疑匪僞愁眉久耳目瞽若悔在睹修毫旣頗潔劇末節未數美毋狃狃遁或恐豫且侮吾甯慕野賓亦豈荆

珠賈獨餘竟日懊舉念慚多阻少昔聞舟僑志羞爲塊雨
將衰轉中懦不忍殘蛇虎慈義兩無成羣生望何補但期
人皆良作善宜有與夜月想悠然無爲憫體舞

晨上鼃灘微雨繼以霰雪遂泊泐瀧村作

殘冬潦盡枯朔氣懸江烈晨登鼃洲灘石狼槽思竭長年
厲邪許風雨助淒絕艱哉一寸塗尺景坐超瞥橫舟遂昏
晝瀧底就荒埵沙沙蓬底鳴糝糝窗中屑危檠屢光吞殘
更想花纈少年憶閒事籬根弄環瑤神駒氣壯盈尺筆幽
并取老矣嗟何事來歸祇子子平生所夸張親舊徒煖熱
撿衣思舊縫炊粥愴孤醞江海分長辭茲行重躑躅雲天
爲悲峭水石亦歔咽况當霰雪辰銼冷甌空缺更闌不成
寐病腳裏衾鐵江明亂村雞到曉舫

雪後夜泊二首

兩日龍平路峽山皆白頭朔風前夜雪今歲度交州
水月照山雪清光轉欲迷夜深灘又急不用更猿啼

歲晚過平樂晤謝蓮士觀察暨陳莘老別後却寄

火山冰井判炎涼老至心情畏劇旁灘水交流還樂水道
鄉當日亦蠻鄉亭臺好自題安石雉獵吾猶見季常又被
城烏驚客起夜深燈火別滄浪

歸抵桂林贈李宮山比部還都

自憐衰疾且歸來斷鴈重雲暮景頽弗獸謏聞如子癖能
修常度幾人才親交隕落悲鄉縣簿閥矜嚴望省臺明發
春帆又天際柴門重掩數峰迴

自桂林至柳州洛垢登舟

人生美是鄉中水老向邨谿
媿問名聞說西江尙流累扁
舟還載昔時清

舟經城東樓作

樓中燈火尙依稀城郭人民總是非
獨有少年難再得青山長負釣魚磯

登郡城樓書感用唐刺史柳文惠侯詩韻

城春草棘尙荒荒井邑傳聞事渺茫
山色舊看還繞郭柳條新插未遮牆
羸歌有夢長吞恨

到郡城夕夢漂墓無人
諸殉難親舊

祇斷腸寂莫羅池寒夜月不堪重問鄭公鄉
傳言州邑有賊戒不入者

殊已皆遭惡踐

魚山俗名立魚巖

尾立滄溟百丈鯨何年化石此嵒嶸
江干不作垂綸手海

三猶聞激浪聲
林谷蒼蒼初月上
樓枕隱隱半雲橫
迴波龍壁扁舟晚
鏡水還同鼓鼉行

龍壁山房詩草卷十七

庚申集

馬平王拯定甫

庚午元日書感

庚午

辛未壬申癸酉詩附

經閱事苦多顛顛乃未死行身欲何居二紀爲朝士歸來
志晚學偶得時自喜艱哉蹶復趨寤寐猶餘恥百年踰秦
半不足畏久矣未能遂泯滅屢復自料理宵更不成眠日
旦歲又始孤燭黯無輝明星爛誰視徒歌嗟無和不樂慚
素禮三復鷄鳴詩慷慨思君子

老至

少時湯威懷中刺老至空名自鐫棄過戶時聞剝啄聲題
名誰辨蒲胡字青雀舫中曾醉歌青油幕下又頻歌鄉里
兒童成項領平明簫管復如何

望雨

行人浪說粵農情不道山田如甌破三時苦雨十日乾六月老農淚雙墮城中飛雨官隄衙四鄉空喚阿香車長官齋足行香去便得隨車雨如注

題朱拓論坐帖

顏公老去偏爭席憤與神龍競鐵畫秦中片石安耶吳舊拓百年珍拱壁世傳雞碑晚益奇丹砂銀箔入瓊樵朝霞碧落精爽緊硬黃蟬翼空爾爲

白題所畜宋旭畫終南春信圖

弱齡曾賦泰初筆

十五六時得見董旭所畫鍾馗爲詩記之

鄉里後賢又石門

南山莽蕩荆棘中乃有冰雪回春魂老馘侔條前進士韡笏未忘朝市事想得乘酣郵徑過滿目夔夔不相忌

題包鼎畫兩虎幟

老菟威乙貌殊暇小菟生猶滾塵馬斜陂颯拉風草聲謾
謾松根瀑泉瀉此是宣城式穀圖吳懷龍水能爭驅鬼物
潛逃世兒怕尺縑遼遼千年徂

哭樹谷

一別春城最黯然楓林月黑遽魂牽義臺有處乾坤窄季
子無歸雨雪偏寒故平生從此盡悲歌于我復誰憐題詩
休戀投金瀨丹旄風迴望日邊

時樞眷皆尚在新樂君所
久宦處也

自郡城還會垣忽云秋矣庭中素蘭作花脩然成詠

嬾娟帶草玉華芬病起闌干又夕曛寂寂小庭真似水迢
迢清晝忽疑薰弦詩欲斷何論酒癖學無言重惜羣伏雨
闌風淅蕭槭桐絲欲爲泣湘君

嚴少韓寄示吳南老贈詩兼及鄙人次韻答之

湖端懷友卅年時

道光丙午洞庭舟中有懷南老詩

湖上高樓繫客思老

至家山歸隱約病來庭樹接支離索居有興除澆酒晚學無功又斷詩聞說郊垌過嚴武不堪坏戶獨棲遲

子穆之子詠華

景陵

秋闈來見年三十矣不勝悲喜之

懷

與君先世爲莊惠一觸牙弦百感多老大孤蹤空復在生存華屋恨如何充閭尙記爲高宴削牘居然似老坡

詠華喜爲

詩

又踏花黃遇槐市試尋行迹覆青莎

病中龍子松岑見投詩卷感作

壯姼奇疾倦遊中海外曾傳作鬼雄垂死又堪聞夜雨早衰先自怯秋風晨光隙景思駒足中道崎塗惜乃翁牀螳

鬪殘巖電蝕足音空谷暫明忽

病起同達老携兒姪過市肆小飲歸萬卷樓有作

病來庭菊亦將蕪已過重陽日易晡鄰舊傷心無白社亂

離何意有黃墟誰令饌歲連鮮菜

市人言久不獨聽酸風雨國蔬將敗

帶鴈蘆

比聞析津近事殊惡

還倚叩扶有高閣百年迴首一長吁

虛谷嗣子榕壽扶護同君母喪歸泊靈渠來見怡然有

作

竹裏風驚打夜窗露荷寒餒逼幢幢還披陋室思窮孟忽
拜麻衣痛老龐玉筇何方雲影疊綿山此日淚痕雙年來
碎盡龍香撥不待清聲訴滿腔

從子伯元

號中

領鄉薦東還省觀卽赴禮闈作此送之

咄哉吾家駒奉手言在耳看汝觸吾悲駸駸卅年矣南北

街高甍依稀情若咫

我學巷屋與新居一巷隔丁酉余依爵之叔氏居領鄉薦

率然冒

九列郎幄又清美一朝自瑕棄退引吾餘恥浮名矧中噉

晚學又衰憇慷慨爲汝陳倘猶識吾旨蘭玉亦何干庭階

色先喜尋常池中泳得路鯤鵬徙我道自知難吾行尙能

止惠連行

讀杭

最弱汝叔唯貞軌

謂芝庭

迷陽而翁疾獨

力還渠恃

桂浦弟時病足已數年養病芝弟稚州解舍

先業本一經蜚聲再踰

紀三年愁我傍悵惜臨觴起計汝拜雙雙官齋萬春蕊

時先

就婚梧郡李氏息

重闢在堂背羣季聯翩美離江東到海縱壑龍

門水

蒼梧有龍門灘後郡國志注云交州有龍門水或卽謂此

十月二十八日出城詣平山榕田先瑩及龍脈樹感作

龍木樹爲城氏新阡今年五月方就窀穸未成墳也

楓柏丹黃歲欲逋霜郊重踏病魂蘇寒棲尙擬仙山野薄

俗偏愁宰木株種髮百年心漸短蘂封幾日淚先枯一般

彥遠蹉跎意城角歸來起夜烏

時聞楚中說言城中設隊

李實邨同年自鄉居來賦柬

一病蕭條又晚秋故人喜見雪盈頭摧頽鍛羽成飢鶴浩

蕩忘機足野鷗見說龔生殊未天

謂龔鶴田同年

劇傷許椽不同

遊

堯丞同年延徽

令威城郭愁相訪零落空山負蹇修

與實邨同出丁伊輔

師之門

閏月望前一夕寓齋小集遂邀受田携琴來會

草草杯盤不用名悠悠巷里足羣英須知酒債尋常有肯

惜桐絲一再行難得歲餘重直閨最宜月下是橫庚期君

此會來頻數梅蕊看連菊萼清

少韓沿檄自長沙來有詩仍疊南屏學博韻

嶺樹含蘄又一時青楊舍館費尋思湯湯逝水增哀樂草
草搏沙易合離東道小邦愁繼粟南州高士喜傳詩鄉關
駐馬煩相問日日斜頭嬾起遲時以告羅來粵故五句云

與達老約將往城南看菊花而嘉甫兄亦至詎不果往
慨然有作

病餘漠漠惜芳華待覓黃香老圃家勝日向來姚守壁少

年容易賤看花風煙黶黶還無際

日間楚邊訛警

魚炙酸辛定有

涯

是日家人爲張夫人忌日薦食

租吏不關風雨寂斷章邀客自矜誇

得釣者風詩卷瀏覽竟日感作

嬖媼忘日課強半爲姚詩得卷讀終晷依然年少時釭荷
愁雨暗窗竹聽風嘶屢觸轉喉句鈍吟空復爲

出郭至陽江橋晚眺

施施嶺雲薄今年霜氣乾陽江橋下水歲晚獨潺湲背郭夕陽下空林鴉影繁生涯羨漁子家具櫬頭寬

達老持贈其先世父春湖侍郎書我園記墨本從祖佩之郎中畫賦謝

君家懿祖詩高格六法難弟八法見嘉道之間論書畫臨川李乃不脛馳棗木流傳載家乘殘縑碎壁爭華雋我亦耽書墨圈花因君將貺感蹉跎舊句銀鉤懷老阮謂尊季父小韋生池臺金碧邈山河

食柑有作

柑乃橘之屬南樓寺中稱最良小爲金彈大鵠卵鉤櫟又幻爲飛瓊壺昔自是百果王族二十七生江鄉披金懷玉獨君子昔嘗東遊偏與此閩娘十八我亦憐多食側生能

病齒須彌聖柰不可成貪咽蔗漿吾老矣清朝海客氷井
來頃筐三百何纍纍秋林無霜冬又半燈前擘絮明珠胎
奉雲軒中丞次釣者風韻

優鉢光陰太劇匆玉樓趣詔夢魂中歛傾無藉偏黃耆顛
倒何心任碧翁敢爲西河當諍友勝教東里負名公人生
草草還成代玉貌龍孫長竹叢

少韓見投詩卷爲賦長句送返湖南

冶春曾賦柳枝詞君柳枝詞甚佳張緒風流昔見之好我頻貽錦
繡段看君已摘滄浪髭西京宰世多神父東海傳家有聖
兒沅芷澧蘭何限意鋒車歸謁湯郎祠

夜過子實時新自其鄉居來

兔羅無際鳥羣高壯馬連錢盡錦袍何意唐衢尙鋤鑿似

聞懷祖盛旌旄林園勝日情能遣

子實比喪其貴妾愛子故云

湖海平

生氣自豪汗馬汗牛須未晚幾時車馬向江皋

容菴庭中梅花大開是伯韓觀察所手植也對之愴然
索容老和

嶽嶽聲名折檻回庭花黃月手親栽藐姑綽約驚曾見殷
仲婆娑漫又來調鼎幾人誇玉雪招魂無處覓瓊瑰年時
未效桓伊弄怕觸東風濺雨苔

南史江敳讓尚主表殷仲幾不免於強鋤謝惠連誰

詠梅句也

謝謨伯編修

維藩

典試粵東寄跡途中詩卷乞正

猗寄

湯嗟孤櫂海山窮曾謂忠肝鐵石雄
韻水雙流持節過曹溪一勺幾人同
秋霄沆瀣悲歌裏夜雨滄波鞅掌中
獨抱殘編昏檠底玉池珂珮聽春融

與諸君小集和芷庭韻

辛未

我與羣生抱骨皮歸休偃息益成疲詎應作會希長慶且
可邀隣到斛斯居隣石竹老人休官廿載年已七病眠重
添花裏霧醺顏難借掌中卮春來百事拋離盡強韻還吟
破戒詩

不信

漫蹟何方任遁坯龍鐘衰策倚官櫬秋風卷屋邨童惡夜
火湯山巷馬癡不信高旻願觚缶頓教薄土狀椒離如何
風雨鷄鳴裏又聽橫空甲馬嘶

挽李星衢中丞

福泰

東風疑不到山城玉節西來報早鶯絳若春旗知有腳統
如夜鼓忽無聲南陽名杜空遺恨西土崔楊未是清爲櫻

鸞驂跨箕尾海雲東望涕縱橫吳少邨中丞亦自東來權任甫一月卒君今莅任亦有五句

庭花二絕句

一自狂歌誚鳳兮縫衣學子意常迷
閒花不解春工力開逐墻東萬綠低野鳳仙一名飛來鳳

珍綺便蕃錫上方六街都督爛頭羊
蠻江五月飛鳧艇玉珮何煩泣楚湘龍船花亦曰荷包花純赤似荷囊

午日

截業高冠氣易平江心百鍊鑄難成
小窗夢起槐風過又聽新蟬第一聲

飲受田齋中作

卓犖當年猛食牛還出未老忽先休
弦絲靜裏風雷過蹢躅

壁空堂氣似秋

友茗送盆荷最小者可供案頭有句

蓋鏡雲紅海畔樓不堪苑馬觸邊愁歸來曲枕烏皮淨消
領寒香紫玉甌

贈葛緒堂

本植

湘人也時爲余繪小像兼以酬之

附鳳攀龍不可當屏居何事獨湖鄉偶探嶺路侔秋色便
刷花畦繪夕陽褒鄂丹青政須爾江潭憔悴辱相望生涯
我亦毛錐子阿堵神高恐自張

劉印渠撫軍

長佑

過訪卽送之粵東任

一臥滄江世久踈五雲天際斷鴻書相過嶺徼重持節爲

媿津橋未命車

用康節對路公語意去年報撫軍書所嘗及也

風雨漂搖傳海上

鶯花嬾樂惜春餘寒山老學傷孤陋祇欲褰裳柰朽樗

受田邀重九日登逍遙樓

閒中歲月任消磨上巳端陽嬾浴過

今年三月三日得已五月五日得午皆巧

也夢覺樓頭正陽九亂山青冢夕陽多

詠萬壽菊卽佛頂黃

鞠衣佳色近中央寶髻中含慧日光猶得東籬對樽酒平生唯有杜黃裳

寄嘉甫兄蒼梧幕府時卽渠中丞移撫粵西也

看君老作諸侯客寂寞山城那復之中壘談經欣舊識細

侯行部喜來思荒江瘴雨雲如墨破屋星河鬢幾絲

元裕之句

破屋耿耿天垂河

日夕仙舟望風力孤藤閒倚訾洲湄

寄謝申甫京兆惠題拙詩原韻兼謝見寄山梨木鐺

庭階秋雨綠王孫詩戒慵持做習存絕憶尺山蘇道暘

尺

地名出難忘龍水隔瀛郵

龍水村卽申甫所居年來舊藁思焚棄孰

與斯文共討論慙荷品題施刻畫聊當一昔醉東園

申甫近自

號東園公

老淚

商瞿不祿龔生死未別寒山感足楚颺颺琴心孤息在伶
仃酒德二豪從江干綠樹多新陌巷口斜陽獨短筇老淚
不知空復墮北宮憔悴又南容

子實將還鄉居度歲夜過感作

漠漠江城歲又徂松盆無燄燭花蕪擎枝磊落堆殘雪踣
壁荒寒臥野夫霰雨山空唯子在藜蒿徑滿孰吾徒菟裘
未了羊皮換枉復咸陽博塞呼

達老以所蓄李子喬少鶴小印見遺索賦

三加那復到羈孤少日陳遵每座隅犬子無心懷趙壁田
郎何意襲荆菟詎堪零落遼東羽又作荒寒屋上烏公子
游閑看老矣居隣還作調詩符

子實送黃梅數小栽作

壬申

舊約南邨有素心還分花樹惜孤吟不知香象朝天者歸
去占城月有陰

種樹

秀峯講舍作

抱甕歸來已後時春風欄檻又新移瀟瀟一夜山根雨天
意蒼茫那便知

望晴

年年湖上雨如塵斷鴈沈雲又一春昨夜邨隣洗牛背夢
看東海浴金輪

魏我

魏我淮西句未成
戟門鐘鼓樂時清
西風一劍歸飛晚
多事匆匆唱渭城

聞霞軒自豫章往金陵消息兼寄琴西

聞君孤櫂向江東
愁見孫郎酒盞空
誰愛南州問徐孺
百年塵榻亦匆匆

送客

秦川體弱早衰翁
絕念中郎倒屣風
一調陽關亂笳拍
教人那不憶譙東

馬圖不知何人作
鳳千舅氏所賜物也
曩嘗携之京師
灤陽行館

黃鶴山中老數門
丹青猶憶舊王孫
華鬢綠耳紛何在
日

對空齋有淚痕

紀事 壬申五月

日下黃人問若何江東

村名

岸谷又逶迤朝來一雨西風

勁稍喜庭陰厄偃柯

榕樓絕句

湖上青山淡欲秋榕根殘堞起山樓樓中恐有曾題句隱
隱斜陽繫客舟

盆蘭盛花邀諸君作展七夕鄭丈小谷

獻甫

卽席有詩

次韻

纖雲淡影珮香拈小別多應宿恨消雙鬢判羞花促坐一
樽還趁月盈宵伊蒲昨夜歸蘭院大鋪今年賜渭橋獨抱
離心對交甫秋期能引碧鸞簫

秋炎

春寒無那又秋炎歲月差池老病兼
一夕涼颺動窗竹自銷鳴玉下空簾

易衡樵叟察自梧郡寄贈那悉茗花用鄭老展七夕後

詩韻賦酬

踈星淡月炤黃昏殘暑鑒人罷酒樽
忽報相思吟遠客

末利

爲遠客

頓教多麗韻閒門珠光磊落懷雙夕
芳問迢遙接上

元行過湖東最愁憶簽牌誰檢到西園
湖東樓爲衡樵桂林別業

八月十六夜蔬香樓贈芷庭

鏤管銀牋舊列卿

湖西莊樓舊爲李春湖侍郎所闢作書於此

墨池重瀉月華

清殘畦乞得英雄老笑指金波拍檻生

芷庭工書設飲故云

鄭小谷丈來主孝廉講席一秋臥疾未瘳行歸象州歲

云暮矣僕與先生同郡早相聞而殊未合并歸老一
再相見不謂行之遽也

荷衣郵塾早心傾偶坐常聞一座驚太息中郎無晚節但
傳夾漈有高名百年志學傷孤陋四海論才惜老成楓柏
丹黃總寒色離亭風葉不勝情

第三句謂李秋航丈童時
實聞先生於丈所也

陳蘭甫書寄六言和韻詩媵以絕句次酬

玉牋書寄隔年詩嶺樹今攜繫客思還問花南與花北夜
風先折老蚪枝

時小谷已下世

一秋晴亢庭草多蕪撫軍致送秧菊數盆立冬後一日
也

嗷嗷離根欲去心無風無雨過重陽柴荆不顧顏光祿未
覺言巖昨夜霜

記夢爲姊氏作也姊歿五年夜夢漸稀自枕兒生頻夕

夢見而甯氏姊意尤了然愴惻有作

癸酉

病日指餘淚滿睡昏檠殘夜雨淋浪尙思懸讀聽連巷翻

訝呱呱聲泣在牀明月時珠圓若引

潞見小名曰招甯姊命也

故衫蘭郁

重能忘金刀夢影還寥邈老大公精祇自傷

丙子張施皆罹婉難故有

第六句也

芷庭置酒鴻樵寓居之湖東樓下看牡丹作却寄鴻樵

蒼梧

癸酉

謝客尋花愛竹間花時不待主人還二分流水常依檻一

角停雲自斂闌酒氣醺深微雨夜詩情妍遠夕陽山去年

花底愁君別爲報清尊各舊顏

周昀叔觀察

星譽

邀同諸君讌集兼送徐太守

灝

馬來文讌久疎慵巷里衰羸惜病翁六月蘭池還夏氣一
年林越又秋風才章領海多遷外鮭膾江湖易酒中鮮膾
俗記宜州
風土語便欲東歸更西笑向來佳會惜匆匆徐顯子道
一歸五羊
卽將北
觀故云

哭甯甥之隴遺槐歸紹興

我幼孤惻爾母俱酸心暑酷共依窰衰殘宅相聊看汝強
近天親又愴吾炎海瘴雲悲宦學越山歸旆望鰥孤渭陽
何意相憐倚翻得憑棺慟老夫

郭樂山學使

懷

見投詩卷中多按試南邑所作奉題

卽送還朝

九疑南簇劍銍青路入昆侖極杳冥萬古關門愁馬式幾
入文字接湘靈中原民獻傷諸子絕徼天開訝同廷五丁

行過使車頻駐問蓬蒿

第五句註聞顧訪溪莫子他何子貞吳

屏後下世

招集樂山

的觀察寓齋兼餞子實之行

時上公車並謁

選也

勝流譚藝數平生一賦孤鴻舛疾成

北史盧思遺孤鴻賦序有云攝生外和右

少氣疾

錦里湯思持老伴高軒何意集豪英晨星磊磊天長

曙霞雨潛潛夜有聲同是夢迴青瑣客江湖魏闕豈勝情

樂山學使見遺長句次韻奉謝

病來不出山蹊久倚杖柴門問孰之一遇汝陰成累日况

聞船里本同師

鼂錯傳學於軾張慨先與洛陽宋孟劉禮同鄉

遺經在櫝悲寒故

耄學何方策幕遲能幾平生相見晚使星流影照清灘

申甫京兆來主秀峯講席小詩迓之卽用去年病起追

和山谷獨遊東園二首兼以見懷詩韻

鹿鹿遂無聞鰓鰓乃同病方將環堵營詎有羊求徑百年
傷逝水老疾亦孤性遠道媿瓊章勞生未能靜

寒山講舍立耳目罕同氣樽酒故人心平生有深味松桂
植比鄰雲峯敞閒地龐眉倚東風日夕高軒至

桂林楊博文堂刻